

**REVIZORSKA KOMORA
FEDERACIJE BOSNE I HERCEGOVINE**

UPRAVNO VIJEĆE

Broj: 02-251222-3

Datum: 22.12.2025. godine

Na osnovu člana 95. stav (7) tačka g) Zakona o računovodstvu i reviziji u Federaciji Bosne i Hercegovine („Službene novine FBiH“ broj 15/21 – Zakon), člana 18. tačka g) Statuta Revizorske komore Federacije Bosne i Hercegovine (Statut), u vezi sa članom 82. Zakona, a u skladu sa aktom Odbora za javni nadzor broj: 01-04-35/25 od 23.07.2025. godine, Upravno vijeće donosi:

SMJERNICE

za sastavljanje izvještaja o transparentnosti, način objavljivanja i izvještavanje o objavljivanju

Član 1.

Ovim Smjernicama bliže se uređuju sastavljanje izvještaja o transparentnosti, način objavljivanja i izvještavanja i informisanje Komore o objavljivanju izvještaja, a čiji sadržaj izvještaja i osnovne odrednice su propisane članom 82. Zakona o računovodstvu i reviziji u Federaciji Bosne i Hercegovine („Službene novine FBiH“ broj 15/21– Zakon).

Član 2.

- (1) Obveznici sastavljanja izvještaja o transparentnosti u smislu člana 82. Zakona su društva za reviziju koja obavljaju reviziju subjekata od javnog interesa.
- (2) Subjekti od javnog interesa u smislu člana 2. tačka g) Zakona su: sva pravna lica čijim se vrijednosnim papirima trguje na organizovanom tržištu vrijednosnih papira, banke, mikrokreditna društva, društva za osiguranje i reosiguranje, društva za faktoring, lizing društva, društva za upravljanje investicijskim fondovima, društva za upravljanje dobrovoljnim penzijskim fondovima, brokersko-dilerska društva i druge finansijske organizacije, javna preduzeća osnovana u skladu sa propisima kojima se uređuje poslovanje i upravljanje javnim preduzećima u Federaciji Bosne i Hercegovine, kao i sva pravna lica od posebnog značaja za Federaciju u skladu sa propisima o vršenju ovlaštenja u privrednim društvima sa učešćem državnog kapitala, te organizacije i javne ustanove koje nisu obuhvaćene okvirom revizije utvrđenim propisom o reviziji inistitucija u Federaciji.

Član 3.

- (1) Godišnji izvještaj o transparentnosti, u smislu člana 82. stav (1) Zakona treba da sadrži:
 - a) Opis pravne forme i strukture vlasništva društva za reviziju,
 - b) Opis mreže, kao i njeno pravno i strukturno uređenje, ukoliko društvo za reviziju pripada mreži,
 - c) Opis upravljačke strukture društva za reviziju,
 - d) Opis sistema interne kontrole kvaliteta društva za reviziju,
 - e) Naznaku kada je izvršena posljednja provjera kvaliteta rada društva za reviziju,
 - f) Popis subjekata od javnog interesa kod kojih je to društvo za reviziju tokom prethodne poslovne godine izvršilo reviziju,
 - g) Izjavu koja se odnosi na procedure i nezavisnost rada društva za reviziju, kojom se potvrđuje da je obavljen interni pregled poštovanja zahtjeva za nezavisnosti,
 - h) Izjavu o politici društva za reviziju u vezi sa kontinuiranim profesionalnim usavršavanjem licenciranih ovlaštenih revizora,
 - i) Finansijske informacije i podatke o ukupnom prihodu, odnosno prihodu od obavljanja revizije i prihodu od usluga poreznog savjetovanja i drugih usluga koje nisu povezane s revizijom,
 - j) Informacije o parametrima za utvrđivanje zarada ovlaštenih revizora koji potpisuju izvještaje o obavljenim revizijama subjekata od javnog interesa.
- (2) U dijelu izvještaja o transparentnosti, koji se odnosi na opis sistema interne kontrole kvaliteta društva za reviziju, potrebno je naročito opisati sljedeće:

- Posvećenost i stav rukovodstva sistemu upravljanja kvalitetom,
- Opis sistema upravljanja kvalitetom društva,
- Nadzor sistema upravljanja kvalitetom,
- Praćenje i mjerenje kvaliteta revizija,
- Praćenje tekućih angažmana,
- Praćenje završenih angažmana,
- Analiza i korekcija uzročnih faktora kvalitete i
- Zaključak o sistemu upravljanja kvalitetom.

Član 4.

- (1) Obveznici sastavljanja izvještaja o transparentnosti, odnosno društva za reviziju dužna su izvještaje objaviti na svojoj internet stranici, u roku od četiri mjeseca od isteka kalendarske godine.
- (2) Objavljeni izvještaji na internet stranicama društava trebaju biti posebno istaknuti i dostupni za pronalaženje.
- (3) Po objavljivanju izvještaja, društva za reviziju koja objavljuju izvještaje na svojoj internet stranici su dužna o istom obavijestiti Komoru, dostavljanjem internet linka na kojem se objavljeni izvještaj nalazi.
- (4) Društva za reviziju koja nemaju svoju internet stranicu ili čija internet stranica nije u funkciji, dužna su Komori najkasnije do 30. aprila tekuće godine dostaviti izvještaj o transparentnosti za prethodnu godinu, za objavu na internet stranici Komore.

Član 5.

- (1) U cilju što efikasnijeg sprovođenja ovih Smjernica, ali i rješavanja svih eventualnih spornih pitanja vezanih uz iste, Upravno vijeće može donositi posebne pojedinačne akte, utvrđivati procedure i sl.
- (2) U postupku primjene ovih Smjernica analogno se primjenjuju odgovarajuće odredbe Zakona, Statuta Komore i drugih općih i pojedinačnih akata Komore.
- (3) Izmjene i dopune ovih Smjernica, kao i tumačenje, u nadležnosti su Upravnog vijeća.

Član 6.

Ove smjernice stupaju na snagu danom donošenja i biti će objavljene na internet stranici Komore.

**Upravno vijeće
Revizorske komore
Federacije Bosne i Hercegovine**